



SURUHANJAYA PILIHAN RAYA MALAYSIA

KENYATAAN MEDIA

Bil. 68 / 2020

SPR HANTAR KAD PENGUNDI (VOTER'S CARD) KEPADA 32,962 ORANG PENGUNDI DI PRK PARLIMEN P.185 BATU SAPI, SABAH

1. Dalam usaha menggalak dan memudahkan pengundi untuk keluar mengundi pada Pilihan Raya Kecil (PRK) Parlimen P.185 Batu Sapi Sabah, Suruhanjaya Pilihan Raya (SPR) meneruskan inisiatif penghantaran kad pengundi (*voter's card*) kepada **32,962 orang pengundi** yang meliputi **31,152 orang pengundi biasa** dan **1,810 orang pengundi awal**.
2. *Voter's card* ini mengandungi maklumat pusat mengundi, saluran mengundi, nombor bilangan pengundi, tarikh, masa pengundian dan cadangan masa keluar mengundi yang digalakkan. Maklumat tersebut akan memudahkan pengundi untuk keluar mengundi pada **hari mengundi awal pada 1 Disember 2020 (Selasa)** dan **hari mengundi biasa pada 5 Disember 2020 (Sabtu)**.

3. Pada voter's card kali ini, SPR juga meletakkan maklumat "MASA KELUAR MENGUNDI YANG DIGALAKKAN" bagi setiap pengundi. SPR amat berharap pengundi keluar mengundi mengikut "MASA KELUAR MENGUNDI YANG DIGALAKKAN". Cadangan masa ini bertujuan untuk mengelakkan pengundi berkumpul dalam jumlah yang ramai dan seterusnya memastikan penjarakan fizikal dalam kalangan pengundi semasa berada di pusat mengundi. Ini adalah selaras dengan prosedur kawalan penyebaran wabak Covid-19 di bawah **Akta Pencegahan dan Pengawalan Penyakit Berjangkit 1988 (Akta 342)**.
4. SPR telah mengedarkan *voter's card* mulai **5 November 2020** kepada semua pengundi bagi PRK Parlimen P.185 Batu Sapi, Sabah. Pengundi yang telah menerima *voter's card* tidak lagi perlu membuat semakan di Barung SPR untuk menyemak saluran dan nombor bilangan pengundi dalam daftar pemilih kerana kedua-dua maklumat berkaitan telah dinyatakan dalam kad tersebut.
5. SPR menegaskan bahawa pengundi masih perlu membawa kad pengenalan bagi pengesahan identiti untuk mengundi dan diingatkan supaya membawa *voter's card* atau catatan maklumat daftar pemilih pada hari mengundi bagi memudahkan semakan.

6. Bagi mana-mana pengundi yang tidak menerima *voter's card* berkenaan boleh membuat semakan maklumat pengundian iaitu pusat mengundi, saluran dan nombor bilangan. Semakan boleh dibuat melalui portal SPR **pengundi.spr.gov.my** atau Aplikasi **MySPR Semak** atau melalui khidmat pesanan ringkas (SMS) (SPR <jarak> **SEMAK <jarak> NOMBOR KAD PENGENALAN** hantar ke nombor **15888** atau menghubungi talian hotline SPR di **03-8892 7018**.

Sekian.

DATUK IKMALRUDIN ISHAK

Setiausaha

Suruhanjaya Pilihan Raya (SPR) Malaysia

Tarikh: 5 November 2020 / 19 Rabiulawal 1442H